

T.B.M.M

DDC:
YER: 76-1666
YIL:
CLT:
KSM:
KOP:
DEM: 76-3684

KÜTÜPHANESİ

B. M. M. Kütüphanesi
Bu eser Kütüphaneden dışarı Çıkamaz



S..S..

310

EX. 1931-297
R. S. S. 310

عثمانلی احرار فرقه‌سی
بیاننامہ‌سی



مرکز موقت :

ہلال مطبعہ سندھ دائرۂ مخصوصہ در.



استانبول

محمود بک مطبعہ‌سی

۱۳۳۴

S4S

310

عثمانلی احرار فرقه‌سی

بیاننامه‌سی

وطنداشلر ، محترم استانبول منتخبلری !
بر آیه قدر ملت وکیللرینک درسعادته اجتماع ایده جکلی
معلومکدر .

شانلی اردومزله حیاترور وطنداشلرمنک احیا ایتیش اولدقلری
حریت ، مساوات ، اخوت وعدالتک — شاید مملکتتمز مجلس عمومییه
مقتدر وکیللر کوندرمزشه — معناسز سوزلردن عبارت قاله جفی
شبهه سزدر .

اجرای انتخاب هر صاحب حیت ایچون یالکنز بر حق دکل اک
مقدس بر وظیفه در . آنجق ای بر مبعوث یعنی ای بر وکیل انتخابی
لازمدر .

ای بر مبعوث نصل اولور ؟

عجبا مبونک ای ویا کوتو اولسی اونک رتبه‌سی ، سنی ، شکل
وشمائی ، صاچی صقالی کبی ظواهر ایلهمی تعین ایدر ؟

خایر ! بو سوألی سزه جدی بر طرزده ایراد ایتک کستاخلق
دیمک اولور . ای بر وکیل حقوق عمومیهمزی لایقيله مدافعه ایچون لازم
کلن درایت واقتداری شخصنده جمع وتألیف ایتیش اولق کرکدر .
بووظیفه ایسه بعضاً احتیاطه ، بعضاً شده واکثریا جدی بر وقوف
و ذکایه استناداً وطنهمزی حر ، متحد ، مسعود ، قوی وهر نوع اتحاد ،

قدرت و اسایشك مبنی علمی اولان عدالتی تأمینہ صرف ماحصل ایلیان ذات طرفندن ایفا ایدیلہ بیلیر. بو اوصاف ایسه رتبہ ، سن و اشکال و جہیہ کجی قیدانک تماماً خارجندہ در .

بناءً علیہ بو اوصافی حائز اولدیغنه امین بولندیغکز وطنپرورانی انتخاب ایتمکزی توصیه ایدرز؛ بو بابتده اصلاً خاطر و کوکل کوزہ دلماملیدر؛ زیرا ہر مبعوث الہی بیک کشینک و دہا طوغریسی عددی میلیونلرہ بالغ اولان عموم ملتک حقیقی مدافعہیہ مأموردر؛ بوراسنی دوشونمیز. انتخاب اولنہ حق مبعوثلرک یا لککز ہویت ، علم و عرفان و ذکالرینہ دکل فقط کندیلری ایچون برر قانون حکمنده بولنسی اقضا ایدن فکر و مسلک لرینک مجلس مبعوثانجہ قبولنہ موفق اولہ حق درایتہ دہ مالک اولدقلرینہ امین اولملی یز .

وطن ہر شیدن اقدم حریتہ محتاجدر .

حریت شخصیہ ، مصونیت مساکن ، سربستی اجتماع ، حریت وجدان ، سربستی سیر و سفر ، سربستی اخبارات و مطبوعات کجی حقوق اساسیہ عمومیہ حد ذاتندہ اعلان ایدلمشدر .

بومظفريتدن شہہ سزد رکہ شہرمز اہالیسی قدر ہیچ کیمسہ ممنون اولمامشدر . زیرا ملکمزک ہیچ بر شہرنده استانبوللیلر قدر ذلت و حقارتہ محکوم ایدلمش ، بودر جہ ظلم و اعتسافہ لایق کورلمش اولاد وطن موجود دکلدی .

شہرمز اہالیسی ایستدیکی ایلہ کورشمک ، دوشوندیکنی سویلمک ، آرزو ایتدیکنی یازمق ، بکندیکی طرزده چالیشمق واکنمک ، آرزو ایتدیکی وجہلہ تحصیل و تربیہ کورمک ، دیار اجنبیہیہ سیاحت ایتمک شویاہ طورسون مصالح ذاتیہ سنک تسویہ سی ضمنندہ کندی خانہ سی دیمک

اولان مملکتک بر طرفندن دیگر طرفنه کیتک، حتی حین حاجتده بدنا محتاج اولدینی تدابیر صحیه به توسل ایده بیلیمک کبی حقوق طبیعیه به بیله مالک دکلدی .

تاریخ بشرک انجق اوقانلی انکیز یسیون صحائفنه نقش ایتدیکی فاجعه لر زمره سندن اوله رق بر جوق معصوملرک صبا حلین خانه لرندن چیقوبده اقشام اوستی ضبطیه نظارتی ویا بشکطاش محافظلی زندانلرنده توقیف ایدلیکی و اوکونک فردای ماتمنده یامنفا ، یا اولوم مهالکندن برینه معروض بولندینی زمانلری اونو تیه لم !

وطنداشلر ! شوراسنی ایجه بیا کز که هر نه قدر احکام اساسیه حریت اعلان ایدلمش ایه ده شو حقوق مقدسه مزه مأمورین حکومت طرفندن تعرض وقوعنده منع و دفعنی ضامن و بوحقوقه فعلاً نائلیتیزی کافل قوانین هنوز موجود دکلدر .

قانون اساسیمزک محافظه احکامی ضمتنده قوانین مخصوصه وضعی بر ضرورت حیاتییه درجه سننده در .

برقاعده اساسیه ، بر ماده مخصوصه صریحه ایله تحت حکمه آئنا دقجه فعلاً یوق دیمکدر .

بو بر مسئله مهمه در که وکیللر مجلس مبعوثانده اول باول حلنی طلب ایتلیدرلر .

بو جهلده دن اوله رق حر بر مملکتک قوانیننده مرعیتی برشین دیمک اولان وقانون اساسیمزک (۱۱۳) نجی ماده سنک فقره اخیره سنی تشکیل ایدوب بلا محاکمه وطنمزدن هر عثمانینک اخراج و تبعیدنی منحصرراً حکومتک ید اقتدارینه تودیع ایدن ماده نک رفع والفساسی و اداره بوضورتله طرد و تبعیدک قطعاً جائز اوله مامسی وکیللر طرفندن صورت

قطعیته طلب اولمیلیدر . زیرا زوالی مملکتتمزك اوتوز سنه دنبری چکدیکي فلا کتار هپ بوماده ایله باشلامشدر ، آرتق یتر .

مأمورین حکومت دائماً قانون دائره سنه حرکته مجبور اولوب کیفی هیچ بر تدبیر اتخاذه نه مأذون اولماملری ونفوذلری نی سوء استعمال ایتماملری الزم بولندیغندن شاید بو وجهله قانون خارجنده حرکاته جرأتیاب اولدقلری اصولی دائره سنه ثابت اولورسه بر طرفدن استیدان واستحصال مأذونیه حاجت قالمقسزین محاکمهلری طوغریدن طوغرییه محاکم عادیه ده رؤیت ایدلمیلیدر . زیرا مأمورین حکومتک تحت محاکمه آله بیلمسی بر طرفدن استیدان واستحصال مأذونیه منوط بولندیفی حالده استعمال نفوذک رفع وازاله سنه دائر المزده نه کی برضمان تصور ایدیله بیلور ؟

وطن مساوات و اخوته محتاجدر .

جناب حق انسانلری حقوق بشر نقطه نظرندن مساوی اوله رق یاراتدینی حالده اوتهدنبری عثمانیلیر بر طاقم صنوف و درجات ایله یکدیگرندن تفریق ایدلمشدردی . عثمانیلیرک بوصورتله عینی درجه ده بولنماملری یعنی مساوی اولماملری بر برینه قارشو خصومت حسلری اویاندیریوردی . وشو اتحادسزلق ضعیفی موجب اوله رق هم خارجی دشمنلیرک تجاوزینه جرأت وریور و همده او وجدانسز حکومت مستبدنه ک تمادی ظلمنی تسهیل وترویج ایدیوردی .

ایشته وکیلر بو حالک کلیاً وفعلاً رفع وازاله سنه مدار اولمق اوزره حقوق مقدسه اسلامیه و مذاهب سائر امتیازاته خلل کلامک شرطیله بتون عثمانیلیر بیننده حقوق و وظائف نقطه نظرندن جدی

بر مساوات تأسیس نه و بوصول ته امنیت و محبت متقابل نه وجود پذیر
اولمسنه خادم اوله بیله جک قوانین وضعی طلب ایتلیدر لر . علی الخصوص
هر عثمانلینک عسکر لکه وطنک اومقدس ، اوشانلی خدمته نائلیتی
وهر کسک ثابت اوله جق درجه لیاقت و اقتدارینه کوره مناسب
مأموریتلره تعیینی طلب ایتلیدر لر .

بوندن بشقه ، مکاتب خصوصیه نک سر بستیسنه خلل کتیرلما مکه برابر
ترک لسانک تعمیم وانتشارینه خدمت و وطنک عناصر مختلفه سی آره سنده
مناسبات فکریه و حسیه یی تأمین ایله متحد ؛ منور الفکر عثمانلیر
و مقتدر و وطنپرور مأمورلردن مرکب بر بطن جدیدک احضارینی کافل
مکتبلر کشاد و تأسیسنی نظر دفته آلمیدر لر .
وطن معارفه محتاجدر .

بوعالم بر عالم رقابتدر . عجز و مسکنت انسانلری دائماً فقره ، اولومه
وسعی و غیرت ایسه ثروت و سعاده سوق ایدر ؛ یاشامق ایچون قوی
اوله لم . فقط بیله لم که ظفر هنرله ، معرفتله ممکن اولور .
عثمانلیر ! سز اوزرنده یاشادیغکز شوخاک وطنی زورله آلمادیکز ،
علم و عرفان و تفوق و اقتدار ایله ضبط ایتدیکیز . اجداد کز یکتای
عصر مهندس لر ، متقن قوماندانلر ، اثردهالری اولان طوپرله قلوب
جهانه دهشت نثار ایکن سیئات احوال سببیله عالم رقابتده زبون قالان
رقبیلری غفلت ایچنده پویان ایدیلر . ایشته بوسببیله درکه مغلوب
اولدیلر . زیرا جهل النده قلبیج قیریلر ، باروت سوزر ، آلتون
طوپراق اولور .

وطنداش لر تکرار ایده لم ! بومملکت زورله دکل تفوق ، علم
و عرفان و اقتدار ایله ضبط ایدلمشدر . صاحبک النده قالمدی . لایق

اولانه کچدی . بونک محافظه سی ده اکا لیاقتله در ، علم ایله تفوق ایله
اقتدار ایله در .

چوق کریده یز ، قوشالم ! بلا آرام قوشالم ! اوشانلی صحائف
تاریخیه مزه عجز و مسکنت و جهل و اضمحلال ایله ختام و یرمیه رک دها
محتشم و دها عظمتلی مآثر مدنیه قید ایدلم و او یله جه دوام ایدلم . فقط
بودوام آنجق معارف ایله معارف ایسه مکتبلر ، ینه مکتبلر و دائماً
مکتبلرله اولور .

ایشته بو سببله درکه وکیللر امور معارفه بیوک بر اهمیت عطف
ایده جک و یالکنز پایتخنده ، بیوک شهرلرده دکل تاناحیه لر و کویلره
وارنجیه قدر مملکتک هر گوشه سنده دقیقه بیله فوت ایتمکسزین مکتبلر
تأسیس و کشادینی و بالخصوص افکار عمومی نک تنویر و تنوی ایچون
دارالفنونلره بالعموم عثمانیلرک اوروپاده اولدینی کبی سامعین صفتیه
سربستی دوامنی طلب ایتملیدرلر .

وطن عدالته محتاجدر

عدلیه سی منتظم اولمیان برملت دائمی برحربه معروض دیمکدر .
دائمی حرب ایسه نهایت اضمحلالی ، انقراضی موجب اولور . عدالتک
موجود اولمادینی مملکته آسایش ، ثروت مملکت ، رفاه و سعادت
یرینه اختلال ، فقر و سفالت ظلم و استبداد قائم اولور . عدلیه من
اوتدنبیری حقسزقلر ، ظلملر ارتکاب ایتمش ، برچوق جانلر یاقش ،
پک چوق خاتمانلر سوندرمشدر . بناءً علیه وکیللر عدلیه منک اصول
مشروطیه بحق لایق اوله جق صورتده اصلاحیه حیات جمعیت
دیمک اولان عدالتک تأسیس و تقررینی سرتاج امور عد ایتملیدرلر .

مالیه من اصلاحه محتاجدر !

عثمانیلرک کمال محن و مشاق ایله قازاندقلری پاره دن حکومت اصابت
ایدن آقچه نك، اعضای وطنك احتیاجاتندن غیرى محله صرفى منافی
عدالتدر .

بویاره عثمانیلرک رفاه و سعادتیه و وطنك عمران و مکتبته مصروف
اولمیدر، بشقه بریره صرف ایدمك حقسزلق ، خرسزلقدر .
حکومتك تحصیلات و صرفیاتك بر آقچه یه قدر مبعوثانجه رؤیتی
و علی الخصوص مبعوثانك رأى و مساعدیه سی اولمادقجه اهالیدن نه بر
کونا پاره تحصیل و نه ده صرف ایتمکه صلاحیتدار اولماسنی تأمین ایچون
نظامات لازمه وضعی طلب ایتلمیدرلر .

بوقاعده ایسه هر سنه بودجه نك مجلس عمومیه تصدیق و تصویبندن
بشقه برشی دکدر . زیرا بومسئله حیات مملکت ته تعلق ایتدیکسندن قطعاً
خلدار ایدلما سی مصرأ تکلیف ایدلمیدر .

دولت مصارف عسکریه و ملکیه سنی پک بیوک بر مشکلات ایله آنجق
تدارک ایده بیلدیکی شو صروده وطنك بو حال خرابیسه آلت اولمش
اولان دوراستبداد اکابر مأمورینه اموال مسروقهدن متحصل
اوجسیم ثروتلری باغشلامامیدر . زیرا ثروت وطن بخش ایدلمز
مشروع بر استحقاقه مقابل ویریلر .

شوحاله نظراً وکیللر یالکنز استقبالده انتظام مالی یی تأمین ایده جک
نظامات وضعی طلب ایله اکتفا ایتیموب حسابات ماضیه یی دخی تدقیق
ایله مرتکبلرینك قانوناً مستحق اولدقلری جزایه چارپدیرلمسنى
واموال میریه مغضوبه نك خزینة دولته اعاده سنى طلب ایتلمیدرلر .

تشبثات نافعه دولتك الزیاده فوائدنی مستلزم اوله جق برطرزده

احاله و اداره ايدمليدر . بونك كيف مايشاء شوكا بوكا اعطاسى بيوك بر
حقسزلقدر . زيرا حكومت كيسه سندن چيقان واكثريا بر قيمت عظيمه يي
حائز بولنان بخششلك اوتة كنه بريكنه اعطا واحسانى بر خرسزلقدر .
بو وكيلىر امور نافعەنك مناقصه و مزايده اصوليله اجراسنى
وانشاآتك منحصراً شرائط مناسبه ايله احاله سنى وعين شرائط
دائرة سنده عثمانليار مياننده قبول ايدنلر بولنورسه اجنيلره ترجيحاً
عثمانلياره ويرلسنى طلب ايتلدرلر . سرمايه صاحبلىرىنك غير كافى
كونده لكاره صنف عمله يي حال ضرورته بولندير ملرى مغاير
انسايندر .

آنچق بوكا مقابل سرمايه دارانك دخى حق اداره و خدمتى طائماق
و ثروتى مهالكه وضع ايتسنى تقدير ايتماك برحقسزلقدر . بناءً عليه
و كيلىر مشروعت اقتصاديه يي ، سرمايه نك حكمنى و خدمات عموميه نك
عدم انقطاعى حتنده تدابير لازمه اتخاذنى تأمين ايله برابر صنف عمله نك
ترفيه حالى كافل نظامات وضعنى طلب ايتلى و بوكا مماثل برچوق نواقصك
اكالى لزومنى دخى نظر دفته آلملدرلر .

و كيلىر وطنك يالكلز موجوديت متماديه سنى دكل قدرت و تنمويى تأمين
ايدة جك اولان مدافعة مملكت ، معارف عموميه ، تشكيلات عدليه ،
امور نافعە و صنايع نفيسه ساحه سنده برچوق نظاماتك وضعى لزومنه
دخى قانع اولملى و بالخاصه وطنمرك پايتختى اولان استانبول شهرينك
طهارت و نظافتى ، سواقلىرىنك تنظيمى ، تنويراتك لايق درجه ده تزييدى ،
وسائط نقليه نك تسريع و تسهيل و اهو نيتمه عائد اوله رق جناب حقتك

یوشهر شهیره بخش ایتش اولدینی محاسن طبعیه ایله مترادف برچوق مطالبك وجوبنه مطمئن بولمیدرلر .

وکیللر بوندن ماعدا دور استبداد سیئاتندن اولق اوزره استحقاقی آله مامش و دور جدیدك تنسیقات اناسنده غیر مشمر ولاقیدانه اجرا آتندن متضرر اولمش هم شهریلر مزك حقوق مکتسبه لریك وقایه سی ضمننده نه کندی حقوق مشروعه لرینه نه ده منافع مقدسه وطنه خلل کلیه جك صورتده عادلانه برطرز تسویه بولمغه غیرت ایدرك بومسائلی قطعاً اونو تاملی و اونو تادم قلیرنی اثبات ایتلی درلر .

شیمدی بوراده اساسه متعلق برقچ سوز سویلمك ایسترز؛ چونکه بعض احکام او قدر مهم او قدر اساسلیدر که بر مملکتده او احکامه اعتنا ایدلمزسه حیات مملکت تهلکه کیه قونمش اولور . بز بوراده بالخاصه اساسدن عد ایتدی کمز نقاطی ذکر ایله اکتفا ایلیورز .

مع مافیه حکومت ملتک مصالح عمومیه ده استشاریه صلاحیتدار بولندیغنی و کندی نامه مبعوثلر طرفدن اتخاذ ایدیلن مقرراتی مأمورلری معرفتیه اجراده زندهار تکاسل ایتیه جکینی تأمین ایتدجه وکیللرینک بصیرتکار و آمال وطنپرورانه ایله متحلی اولملری نهیه یارار ؟

احکام اساسیه دن اوله رق وکیللر درجه اولی منتخبلرینه متعلق اولق اوزره آرای عمومیه اصولنک قبولی ویکرمی یاشنی اکمال ایدوب ویرکو ویرسون ویرسون اوصاف سائر قانونیه یی حائر بولنان بالجله عثمانیلرک حق انتخابه مالک اولملرینی طلب ایتمیدرلر . بوندن ماعدا صدر اعظمک مجلس اعیان و مبعوثان ارکانندن و صدر اعظمک مسؤلیتی

تحتنده وکلانک قسم اعظامنک کذلک مذکور مجلسردن انتخابی و هیئت وکلانک مجلس مبعوثانه قارشو مسئول بولنسی طلب ایدیلیدر .

قانون اساسیمز مجلس مبعوثانک یاننده برده مجلس اعیانک وجودینی و بونک اعضاسنک حکمدار طرفندن انتخاب اولنه جغنی کوسترییور . حالبوکه بونک قضالیدر؛ زیرا بوصورتله تشکیل ایدلمش بر مجلس اعیان حکومتک اننده بر واسطه ظلم واستبداد کسمله بیلور . بناء علیه وکیللر من بو طرز انتخابک تبدیلی و اعیان اعضالرینک ثلثانی مجالس عمومیه و بلدییه طرفندن انتخاب اولنق اوزره ثلثنک هیئت علما ، هیئت روحانیه ، رجال ملکیه و عسکریه ، دارالفنون هیئتلی و تجارت و صناعت اربابنک متحیزاندن اوله رق هیئت وکلانک تکلیفیه حکمدار جانبندن انتخاب و تعیینی ومدت مأموریتلرینک موقت اولسنی طلب ایتملیدرلر .

والاصل بتون بونلره رغماً شاید ملت وکیللری قانون لایحه لری تنظیم ایله هیئت عمومیه یه عرض ایتمک صلاحیتی حائز اولزلرسه بو اصوللرک قبولی کأن لم یکن وملتک حق نیابتی بر خیالدن عبارت فرض ایتملیدر .

قانون اساسیمز مبعوثلره بو حق پک نقصان بخش ایدیور . بناء علیه وکیللر من مبعوثانک قانون لایحه لری تنظیم ایله مجلس مبعوثان و اعیانک نظر تصویبیه عرض ایتمک حقنک تقررینی صورت قطعیده طلب ایتملیدرلر .

صوک والزم بر تدبیر ده :

حکمدار مجلس عمومی طاعیده بیلور . پک اعلا ! بو اصولک بعض احوالده مناسبتی تصدیق ایدرز . قتل حاکم مزک پک آجی بر

صورتده تجربه و خاطر مزده حفظ ایتدیکمز شیر تکرار باشلامیلدر.
 بناءً علیه مجلس عمومینک طاغیدلمسی حقنده صادر اولان
 ارادهده تاریخ ارادهدن اعتباراً نهایت اوچ آی صوکره دیگر بر مجلس
 عمومینک تشکیلی ضمننده یکیدن انتخابات اجرایی مندرج بولنمازسه
 او اراده کأن لم یکن عد ایدیه جکندن بشقه وکیلر بونی هیئت وکلا
 طرفندن ارتکاب اولنش بر بیوک خیانت و جنایت اوله رق تلقی
 ایللمیلدرلر؛ و بویله تعیین مدت ایدلمکسزین مجلس عمومینک طاغیدلمسی
 حقنده اراده سنیه صادر اولورسه پارلمنتوینه وظیفه سنه دوام ایتلیدر.
 ایشته سزه انتخاب ایتمکزی توصیه ایلدیکمز ذواتک مجلس
 مبعوثانده قبول ایتدیرملری لازم کلان مواد بوکی شیر اولملیدر و بو
 وسیله ایله هر صاحب حمیت اولان وطنداشلمزده انتخابه اشتراکک یالکمز
 برحق اولیوب بر وظیفه مقدسه اولدیغنی ده تکرار بتکرار عرض و بیان
 کندمزى مجبور عد ایدیورز.

معلومدرکه پولتیقهده مروت اولماز. انشای انتخابده اکسیلن بر
 رأیک رقیباره ترک ایدلمش برحق اوله جغنی ملاحظه دن کندمزى دور
 طوتمیه لم. صوک کونلرده وقوعه کلن بعض احوال مؤسفه وظیفه انتخابک
 اهمیت فوق العاده سنی نظر مزده برقات ده اثبات ایدیور.
 بو وسیله ایله افعال و حرکاتمزه اصلاً حیاتیتمزه مغلوب اولیه رق
 جدی و متیقظ بولتمق لزومنی دخی ذکر ایتک ایسترز :

سوکیلی وطنداشلمز ! هر شیدن اول یاشامقدن امین اولمق
 کرکدر : بعض قوای مخربه نک حدودلرمز اطرافنده ایجابات احواله
 منتظراً تا قلبکاهمزه مترصد اوله رق (۱۷۷۲) تاریخ میلادی سنده

لهستانده طنین انداز اولان و او بدبخت مملکتک انقساميله نتیجه لنان اومدهش ساعتک وطن مقدسمزده دخی حلولنه انتظار ایدورلر .

بوکا شاشه جق نه وار ؟

طرفداران استبداددن بر چوق خائنلر ، الآن ممالك اجنبیهده وحی در سعادته اعاده استبداد ایچون چالشمقدن کیرو قالمیورلر . بو اشکنجه دورینک عودتی ایچون بومنفور آدملرک مالک اولدقلری جسیم ثروتدن مهم بر قسمنک صرفندن اجتناب ایتیه جکبری مأمول قویدر . بونی بیله لم فقط خلجانه اوغرامیه لم . واقعا بونلر رؤیادر . لکن وخیم بر فردای ملعت احضارینه غیرت ایدن جانیرلرک رؤیاسیدر . بز سلامت عمومیه نک تأمیننه غیرت ایده لم . بر عزم مردانه ایله چالیشیرسه ق بوتشبت هیسج بر وقتده نتیجه سز قالمیه جقدر . بونک ایچون اقتضا ایدن وسائط : سکونت ، سلامت فکر ومثبات کبی شیر اولوب احتیاجاتی سرین قانله برر برر تأمل وایحجاب ایدن خدمات مهمه بی حسن ایفادن عبارتدر .

ایشته او احتیاجاتک برنجیسی مبعوثانک حسن انتخابیدر . اول بووظیفه بی ایفا ایده لم . آرتق غائب ایده جک وقتمز قالمادیکی کبی خطا وغفلتکده صره سی دکدر .

ملت کمال شان وعظمت وسرعت ایله مشروطیتک تمثال موجودیتی اولان مجلس مبعوثانک تشکلی وایفای وظیفه بدأ ومباشرتی موقع فعله قویلمیدر . زیرا تکرار ایده لم که مشروطیته مانع اوله رق وطنی ته که یه القا ایتک تشبثاته توسل ایدنلر یوق دکدر . والا حریت مقدسه مز ووطن معز زمزک دوچار فلاکت اوله جفنی آشکار اوله رق بیله لم ! جناب حق معینمز اولسون .

